



IZVJEŠTAJ FINANSIJSKE REVIZIJE

**PRAĆENJE POSTUPANJA PO PREPORUKAMA IZ IZVJEŠTAJA O FINANSIJSKOJ REVIZIJI
MINISTARSTVA FINANSIJA ZENIČKO-DOBOJSKOG KANTONA ZA 2019. GODINU**

Broj: 01-02-07-11-2-571-5/25



Sarajevo, septembar 2025. godine





SADRŽAJ

I.	IZVJEŠTAJ NEZAVISNOG REVIZORA	1
II.	IZVJEŠTAJ O POSTUPANJU PO PREPORUKAMA	3
1.	UVOD	3
2.	OCJENA POSTUPANJA PO PREPORUKAMA.....	5
2.1	Realizovane preporuke.....	5
2.2	Djelimično realizovane preporuke.....	6
2.3	Nerealizovane preporuke.....	7
3.	POSTUPANJE SKUPŠTINE KANTONA	8
4.	KOMENTARI NA NACRT IZVJEŠTAJA.....	8
5.	PRILOG	9



I. IZVJEŠTAJ NEZAVISNOG REVIZORA

Predmet

Ured za reviziju institucija u Federaciji Bosne i Hercegovine proveo je praćenje postupanja po preporukama iz **Izveštaja o finansijskoj reviziji Ministarstva finansija Zeničko-dobojskog kantona za 2019. godinu**,¹ u skladu s odredbama Zakona o reviziji institucija u FBiH („Službene novine FBiH“, br. 22/06), u skladu s INTOSAI Okvirom profesionalnih objava² i Procedurom za praćenje postupanja po preporukama iz izveštaja o finansijskoj reviziji.

Vrhovne revizijske institucije imaju važnu ulogu u praćenju preduzetih mjera subjekta revizije shodno ISSAI-ju 100 – Osnovni principi revizije javnog sektora. Praćenje je usmjereno na to da li je subjekt revizije adekvatno adresirao postavljena pitanja, te se prilikom praćenja razmatraju i šire implikacije.

Odgovornost rukovodstva za postupanje po preporukama

Ministrica finansija Zeničko-dobojskog kantona odgovorna je za pripremu programa provođenja datih preporuka, za provođenje i za izvještavanje o provedbi.

Odgovornost revizora

Naša odgovornost je da provedemo praćenje i damo ocjenu i zaključak o postupanju po datim preporukama. Praćenje podrazumijeva proces objektivnog prikupljanja i procjenjivanja dokaza kako bi se utvrdilo da li je subjekt revizije i u kojoj mjeri preduzeo aktivnosti s ciljem otklanjanja utvrđenih neusklađenosti, slabosti i propusta koji su identifikovani u revizorskom izvještaju.

Meksička deklaracija³ daje slobodu VRI⁴ da iznose zapažanja i daju preporuke u izvještajima o reviziji. Također, Deklaracijom se nalaže postojanje efektivnih mehanizama za praćenje postupanja po preporukama VRI, odnosno da VRI imaju vlastiti interni sistem praćenja kojim se osigurava da revidirani subjekti na odgovarajući način i propisno odgovore na nalaze i preporuke VRI, kao i one koje utvrdi zakonodavna vlast, neki od njenih odbora/komisija ili upravni odbor revidiranog subjekta.

Shodno INTOSAI-ju P 12 – Vrijednosti i koristi vrhovnih revizijskih institucija – pokretanje promjena u životima građana, VRI trebaju imati efektivne mehanizme za praćenje realizacije preporuka, te javno izvještavati o preduzetim mjerama, s ciljem jačanja odgovornosti državnih i javnih organa.

Praćenje uključuje ispitivanje, testiranje i prikupljanje dovoljnih i adekvatnih revizijskih dokaza koji potkrepljuju zaključke iskazane po pitanju postupanja po datim preporukama.

Nezavisni smo od Ministarstva finansija Zeničko-dobojskog kantona u skladu s ISSAI-jem 130 – Etički kodeks, i ispunili smo etičke odgovornosti.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naš zaključak.

¹ Broj: 01-02-07-11-2-2095-6/19, juni 2020. godine

² Odluka o usvajanju i objavi INTOSAI Okvira profesionalnih objava („Sl. novine FBiH“, broj 17/25). INTOSAI Okvir profesionalnih objava (engl. IFPP) čini tri nivoa objava: INTOSAI principi (INTOSAI-P), međunarodni standardi vrhovnih revizijskih institucija (ISSAI) i INTOSAI smjernice (GUID).

³ INTOSAI-P 10 - Meksička deklaracija o nezavisnosti vrhovnih revizijskih institucija

⁴ VRI – vrhovne revizijske institucije



Zaključak

Na osnovu praćenja postupanja po preporukama iz **Izveštaja o finansijskoj reviziji Ministarstva finansija Zeničko-dobojskog kantona za 2019. godinu** utvrđeno je da, od ukupno šest datih preporuka:

- četiri preporuke su realizovane (66%);
- jedna preporuka je djelimično realizovana (17%);
- jedna preporuka nije realizovana (17%).

Na osnovu prikupljenih revizorskih dokaza i izvršene ocjene postupanja po preporukama, zaključeno je da su preduzeti koraci na realizaciji datih preporuka, s obzirom na to da je najveći dio realizovan i djelimično realizovan, dok je jedna preporuka nerealizovana. Preporučuje se nastavak aktivnosti na realizaciji preostalih preporuka, s ciljem jačanja sistema internih kontrola i otklanjanja utvrđenih nepravilnosti.

Sarajevo, 10. 9. 2025. godine

ZAMJENICA GENERALNOG REVIZORA

Nina Džidić, s. r.

GENERALNI REVIZOR

Mirza Kudić, s. r.



II. IZVJEŠTAJ O POSTUPANJU PO PREPORUKAMA

1. UVOD

Ured za reviziju institucija u FBiH (u daljnjem tekstu: Ured za reviziju) izvršio je finansijsku reviziju Ministarstva finansija Zeničko-dobojskog kantona za 2019. godinu (u daljnjem tekstu: Ministarstvo), sačinio Izvještaj o izvršenoj reviziji i dao pozitivno mišljenje o finansijskim izvještajima i mišljenje s rezervom o usklađenosti poslovanja sa zakonskim i ostalim propisima. U Izvještaju je dato šest preporuka s ciljem otklanjanja uočenih propusta i nedostataka.

Ministarstvo je postupilo u skladu s članom 16. tačka 3. Zakona o reviziji institucija u FBiH i obavijestilo o preduzetim radnjama radi prevazilaženja nepravilnosti identifikovanih u revizorskom izvještaju.

Praćenjem su obuhvaćene aktivnosti subjekta na implementaciji preporuka do 31. 12. 2024. godine, a uvažene su i informacije o poduzetim aktivnostima do sačinjavanja ovog Izvještaja. Podaci i informacije o preduzetim aktivnostima prikupljene su putem Upitnika o postupanju po preporukama (u daljnjem tekstu: Upitnik), dostavljene dokumentacije, te putem analize važeće regulative relevantne za subjekta.

Ministarstvo je uz odgovore na Upitnik trebalo dostaviti relevantnu dokumentaciju kojom dokazuje odgovore. Ukoliko relevantna dokumentacija nije dostavljena uz Upitnik ili do okončanja praćenja postupanja po preporukama, smatra se da aktivnosti na realizaciji preporuka nisu preduzete.

Analizom dostavljene dokumentacije, odgovora na Upitnik i informacija dobivenih na osnovu provedenih intervjua izvršena je ocjena postupanja po preporukama, koja je klasifikovana prema sljedećim kategorijama:

- **realizovana preporuka**
- **djelimično realizovana preporuka**
- **nerealizovana preporuka**
- **preporuka za koju nije izvršena ocjena postupanja.**



U tabeli je pregled datih preporuka u **Izveštaju o finansijskoj reviziji Ministarstva finansija Zeničko-dobojskog kantona za 2019. godinu**, koje su predmet praćenja:

REDNI BROJ	PREPORUKA	POGLAVLJE/ TAČKA
1.	Potrebno je upravljati rizicima i izvještavati o finansijskom upravljanju i kontroli u skladu s Zakonom o finansijskom upravljanju i kontroli.	4.
2.	U skladu s odredbama Zakona o budžetima u FBiH i Uredbe o budžetskom nadzoru u FBiH, potrebno je uspostaviti budžetski nadzor u cilju utvrđivanja i kontrole zakonitog, blagovremenog i namjenskog korištenja budžetskih sredstava.	5.
3.	Propisati način prijema izjava o fiskalnoj odgovornosti, obavljanje suštinske kontrole i izvještavanje.	5.
4.	U potpunosti uspostaviti zajedničku jedinicu za internu reviziju, u skladu sa zakonskim propisima, te donijeti nedostajuće interne akte za efikasnije funkcionisanje interne revizije.	5.
5.	U skladu s odredbama Zakona o budžetima u FBiH, potrebno je imenovati odbor za likvidnost i sačinjavati planove novčanih tokova u cilju uspostavljanja realne osnove za izvršavanje Budžeta Kantona.	5.
6.	Obračun i uplatu poreza i doprinosa na naknade zaposlenicima za rad u komisijama vršiti u skladu s važećim zakonskim i drugim propisima.	7.1.2.2



2. OCJENA POSTUPANJA PO PREPORUKAMA

Na osnovu izvršenog praćenja konstatovano je da, od ukupno šest datih preporuka:

- četiri preporuke su realizovane (66%);
- jedna preporuka je djelimično realizovana (17%);
- jedna preporuka je nerealizovana (17%).

U prilogu ovog Izvještaja nalazi se upitnik o postupanju u kojem je Ministarstvo dalo ocjenu i komentar za svaku preporuku, te ocijenilo da je realizovalo pet preporuka i da je jedna preporuka djelimično realizovana.

Na osnovu provedenog praćenja postupanja po preporukama utvrdili smo da se ocjene revizora razlikuju od ocjene Ministarstva kod jedne preporuke. Zaključci revizora zasnivaju se na revizorskim dokazima i datim obrazloženjima odgovornih lica, i za svaku ocjenu dat je odgovarajući komentar.

2.1 Realizovane preporuke

Ministarstvo je realizovalo sljedeće preporuke:

Red. br.	PREPORUKA	KOMENTAR REVIZORA
1.	U skladu s odredbama Zakona o budžetima u FBiH i Uredbe o budžetskom nadzoru u FBiH, potrebno je uspostaviti budžetski nadzor u cilju utvrđivanja i kontrole zakonitog, blagovremenog i namjenskog korištenja budžetskih sredstava.	Pravilnikom o unutrašnjoj organizaciji Ministarstva finansija Zeničko-dobojskog kantona ⁵ sistematizovano je radno mjesto budžetskog inspektora. Nakon provedene konkursne procedure, 21. 2. 2022. godine popunjeno je to radno mjesto. Budžetski inspektor je sačinio izvještaje o radu za 2022, 2023. i 2024. godinu. Prema Godišnjem izvještaju o radu, u 2024. godini obavljeno je 49 budžetskih nadzora i pokrenut je jedan prekršajni postupak.
2.	Propisati način prijema izjava o fiskalnoj odgovornosti, obavljanje suštinske kontrole i izvještavanje.	Ministarstvo je donijelo Internu proceduru o postupku provjere sadržaja Izjave o fiskalnoj odgovornosti, ⁶ sa početkom primjene, odnosno kontrole izjava za 2024. godinu. Prezentirani su zapisnici Odsjeka za planiranje i izvršenje budžeta o izvršenoj formalnoj kontroli dostavljenih fiskalnih izjava za 2023. i 2024. godinu. Suštinske kontrole izjava za 2024. godinu su planirane da se obave, na odabranom uzorku budžetskih korisnika, do kraja 2025. godine.

⁵ „Sl. novine Zeničko-dobojskog kantona“, br. 9/24 kojim je stavljen van snage Pravilnik iz 2018. i njegove izmjene

⁶ Broj: 07-11-5389/25 od 18. 3. 2025. godine



3. U potpunosti uspostaviti zajedničku jedinicu za internu reviziju, u skladu sa zakonskim propisima, te donijeti nedostajuće interne akte za efikasnije funkcionisanje interne revizije.

Pravilnikom o unutrašnjoj organizaciji Ministarstva formiran je Sektor za internu reviziju u kojem su sistematizovana tri radna mjesta (pomoćnik ministra za internu reviziju i dva stručna savjetnika - interna revizora). Pored ranije popunjenih radnih mjesta dva interna revizora, Ministarstvo je okončalo i popunjavanje rukovodećeg radnog mjesta, s obzirom na to da je pomoćnica ministra za internu reviziju stupila na rad 17. 3. 2025. godine.⁷

Prema prezentiranoj dokumentaciji, u januaru 2024. godini usvojen je Pravilnik o internoj reviziji Ministarstva.⁸ U decembru 2024. godine usvojen je Strateški plan rada Sektora za internu reviziju za period 2025-2027. godine. Također, sačinjen je Godišnji plan rada interne revizije za 2024, kao i Godišnji izvještaji o radu interne revizije za 2023. i 2024. koji su u skladu sa propisima dostavljeni Centralnoj harmonizacijskoj jedinici. Prema Godišnjem izvještaju o radu interne revizije za 2024, obavljeno je sedam revizija, te su izvještaji o reviziji dostavljeni rukovodiocima revidiranih korisnika.

4. U skladu s odredbama Zakona o budžetima u FBiH, potrebno je imenovati odbor za likvidnost i sačinjavati planove novčanih tokova u cilju uspostavljanja realne osnove za izvršavanje Budžeta Kantona.

Rješenjima ministrice⁹ imenovan je Odbor za likvidnost budžeta Zeničko-dobojskog kantona koji je razmatrao i odobravao planove novčanih tokova za 2023. i 2024. godinu.

2.2 Djelimično realizovane preporuke

Ministarstvo je djelimično realizovalo sljedeću preporuku:

Red. br.	PREPORUKA	KOMENTAR REVIZORA
1.	Potrebno je upravljati rizicima i izvještavati o finansijskom upravljanju i kontroli u skladu s Zakonom o finansijskom upravljanju i kontroli.	Ministarstvo je sačinilo Godišnji izvještaj za 2024, kao i Konsolidovani izvještaj o funkcionisanju sistema finansijskog upravljanja i kontrole Kantona za 2024. godinu, te ih dostavilo Centralnoj harmonizacijskoj jedinici.

⁷ Konkurs za popunu radnog mjesta pomoćnika ministra za internu reviziju pokrenut je u ranijem periodu, ali je zbog žalbenog postupka okončan tek u 2025. godini

⁸ Broj: 07-02/04-02-1169/24 od 15. 1. 2024. godine

⁹ Rješenje br. 07-14-2580/23 od 15. 2. 2023. godine i Rješenje br. 07-11-21099/24 od 19. 12. 2024. godine



Međutim, u Ministarstvu nisu donesene mape poslovnih procesa, nije izvršena identifikacija i procjena uticaja rizika, niti je uspostavljen registar rizika. Zbog navedenog još uvijek nisu okončane aktivnosti na uspostavljanju sistema internih kontrola u dijelu koji se odnosi na sačinjavanje mapa procesa i upravljanje rizicima u skladu sa Zakonom o finansijskom upravljanju i kontroli.

2.3 Nerealizovane preporuke

Ministarstvo nije realizovalo sljedeću preporuku:

Red. br.	PREPORUKA	KOMENTAR REVIZORA
1.	Obračun i uplatu poreza i doprinosa na naknade zaposlenicima za rad u komisijama vršiti u skladu s važećim zakonskim i drugim propisima.	Ministarstvo je preporuku ocijenilo kao realizovanu te je navelo da primjenjuje mišljenje Federalnog ministarstva finansija iz 2020. i 2021. godine. U 2024. godini ukupni izdaci za rad u komisijama iznose 17.865 KM, od čega se 4.255 KM odnosi na naknade za rad zaposlenika u komisijama (komisije za javne nabavke, popis, prijem u radni odnos, učešće u komisiji za program javnih investicija Kantona). Na osnovu odabranog uzorka konstatovano je da naknade za rad zaposlenika u komisijama nisu imale tretman oporezivog prihoda od nesamostalne djelatnosti. S tim u vezi, navodimo da je odredbama Zakona o porezu na dohodak, Zakona o doprinosima i Pravilnika o primjeni Zakona o porezu na dohodak propisano da naknade zaposlenicima po osnovu angažmana po bilo kojem osnovu, a u vezi sa nesamostalnom djelatnošću, neovisno o tome da li se ti poslovi obavljaju u toku ili izvan radnog vremena, imaju karakter oporezivog prihoda od nesamostalne djelatnosti. Shodno tome, obaveza poslodavca je da obračuna i uplati porez i doprinose u skladu sa navedenim zakonima. Zbog navedenog ocijenjeno je da preporuka nije realizovana.



3. POSTUPANJE SKUPŠTINE KANTONA

Skupština Kantona nije razmatrala Izvještaj o finansijskoj reviziji Ministarstva finansija Zeničko-dobojskog kantona za 2019. godinu.

4. KOMENTARI NA NACRT IZVJEŠTAJA

Na dostavljeni Nacrt izvještaja o praćenju postupanja po preporukama iz Izvještaja o finansijskoj reviziji Ministarstva finansija Zeničko-dobojskog kantona za 2019. godinu Ministarstvo je 15. 8. 2025. dostavilo komentar, u kojem je navelo da nema komentare za preporuke koje su ocijenjene kao realizovane i djelimično realizovane.

Za preporuku koja se odnosi na obračun poreza i doprinosa na naknade zaposlenicima za rad u komisijama nije izraženo neslaganje, već je navedeno da je Ministarstvo postupalo u skladu sa mišljenjima Federalnog ministarstva finansija iz februara 2020. i novembra 2021. godine, što je i navedeno u komentaru revizora. Ministarstvo je navelo i da će uputiti zahtjev Federalnom ministarstvu finansija za održavanje sastanka sa predstavnicima Federalnog ministarstva finansija, Porezne uprave FBiH i Ureda za reviziju institucija u FBiH, u cilju usaglašavanja stavova u primjeni važećih propisa koji regulišu ovu oblast.

Praćenje postupanja po preporukama iz Izvještaja o finansijskoj reviziji Ministarstva finansija Zeničko-dobojskog kantona za 2019. godinu obavio je revizorski tim u sastavu: Vildana Hadžović – voditeljica tima, i Amra Pjanić-Šašinović – članica tima.

Voditeljica tima

Vildana Hadžović, s.r.

Rukovoditeljica Sektora za razvoj,
metodologiju i upravljanje kvalitetom

Mia Buljubašić, s. r.

Rukovoditeljica Sektora
za finansijsku reviziju institucija kantona,
gradova i općina

Amela Mulahalilović, s. r.



5. PRILOG

Upitnik o postupanju po preporukama

Subjekt revizije: Revidirana godina:		Ministarstvo finansija Zeničko-dobojskog kantona 2019.				
Upitnik o postupanju po preporukama iz Izvještaja o finansijskoj reviziji za 2019. godinu						
Red. br.	Preporuka data u izvještaju o finansijskoj reviziji	Da li je preporuka provedena?				Za odgovore „da“ i „djelimično“ potrebno je dati obrazloženje i priložiti dodatnu dokumentaciju, a za odgovor „ne“ i „neprovođiva“ potrebno je dati obrazloženje
		Da	Djelimično	Ne	Neprovođiva	
1.	2.	3.	4.	5.	6.	7.
1.	Potrebno je upravljati rizicima i izvještavati o finansijskom upravljanju i kontroli u skladu s Zakonom o finansijskom upravljanju i kontroli.		x			Ministarstvo finansija Zeničko-dobojskog kantona, a u skladu sa odredbama Zakona o finansijskom upravljanju i kontroli u javnom sektoru u Federaciji Bosne i Hercegovine („Službene novine Federacije Bosne i Hercegovine“, broj: 38/16) i Pravilnika o provođenju finansijskog upravljanja i kontrole u javnom sektoru u Federaciji Bosne i Hercegovine („Službene novine Federacije Bosne i Hercegovine“, broj: 6/17, 3/19 i 37/24), izrađuje godišnji Izvještaj GI FUK Ministarstva finansija o funkcionisanju sistema finansijskog upravljanja i kontrole i isti unosi putem elektronske aplikacije (PIFC) www.pifc.gov.ba (Model FUK-Izvještaj samoprocjene). Također, Ministarstvo finansija Zeničko-dobojskog kantona izrađuje i propisani Konsolidovani izvještaj o funkcionisanju sistema finansijskog upravljanja i kontrole – obrazac KI FUK za Zeničko-dobojski kanton, te isti dostavlja Federalnom ministarstvu finansija - Centralnoj harmonizacijskoj jedinici. U prilogu ovog odgovora o provođenju preporuka dostavljamo prethodno navedene izvještaje za 2023. godinu, te godišnji izvještaj za 2024 godinu. Izrada Konsolidovanog izvještaja za 2024. godinu je u toku i isti ćemo Vam dostaviti naknadno.



Upitnik o postupanju po preporukama

2.	U skladu s odredbama Zakona o budžetima u FBiH i Uredbe o budžetskom nadzoru u FBiH, potrebno je uspostaviti budžetski nadzor u cilju utvrđivanja i kontrole zakonitog, blagovremenog i namjenskog korištenja budžetskih sredstava.	x				U skladu sa odredbama Zakona o budžetima u F BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25) i Uredbe o budžetskom nadzoru u Federaciji Bosne i Hercegovine („Službene novine Federacije Bosne i Hercegovine“, broj: 111/14), Ministarstvo finansija je u svome Pravilniku o unutrašnjoj organizaciji i sistematizaciji radnih mjesta, broj: 07-34-8658-2/18 od 21.06.2018. godine, sistematizovalo radno mjesto "Budžetski inspektor". Putem Agencije za državnu službu FBiH je pokrenuta konkursna procedura dana 30.07.2021. godine za popunu navedenog radnog mjesta, te je nakon završetka iste izabrani kandidat preuzeo dužnost državnog službenika dana 21.02.2022. godine. Prilog: Rješenje o postavljenju i Dopunsko rješenje o početku rada. U prilogu Vam dostavljamo izvještaje o radu Budžetskog inspektora za 2022., 2023. i 2024. godinu.
----	---	---	--	--	--	---



Upitnik o postupanju po preporukama

3.	Propisati način prijema izjava o fiskalnoj odgovornosti, obavljanje suštinske kontrole i izvještavanje.	x				U skladu sa odredbama Zakona o budžetima u F BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25) i Pravilnika o obliku, sadržaju i načinu popunjavanja i predaje Izjave o fiskalnoj odgovornosti („Službene novine Federacije BiH“, broj: 34/14) i Mišljenja Federalnog ministarstva finansija broj: 06-11-3-6-551/23 od 30.01.2023. godine, Ministarstvo finansija Zeničko-dobojskog kantona - Odsjek za planiranje i izvršenje budžeta vrši kontrolu izjava o fiskalnoj odgovornosti. Ministarstvo finansija Zeničko-dobojskog kantona je donijelo i Internu proceduru, broj: 07-11-5389/25 od 18.03.2025. godine o postupku provjere sadržaja Izjave o fiskalnoj odgovornosti, sa početkom primjene, odnosno kontrole izjava o fiskalnoj odgovornosti za 2024. godinu. Prilog: Interna procedura broj: 07-11-5389/25 od 18.03.2025. godine i Zapisnici o formalnoj provjeri izjava o fiskalnoj odgovornosti za 2023. godinu.
----	---	---	--	--	--	---



Upitnik o postupanju po preporukama

4.	U potpunosti uspostaviti zajedničku jedinicu za internu reviziju, u skladu sa zakonskim propisima, te donijeti nedostajuće interne akte za efikasnije funkcionisanje interne revizije.	x				Ministarstvo finansija Zeničko-dobojskog kantona je u potpunosti uspostavilo jedinicu za internu reviziju, postavljenjem Pomoćnika ministra za internu reviziju, te je imenovana stipula u radni odnos 17.03.2025. godine (Rješenje o postavljenju, broj: 07-30-4635-2-6/23 od 26.07.2024. godine i Dopunsko rješenje o utvrđivanju datuma stupanja na rad državne službenice, broj: 07-30-4635-2-7/23 od 12.02.2025. godine). Zbog postupka žalbe procedura prijema putem Agencije za državnu službu je trajala više od jedne godine, obzirom da je zahtjev prema Agenciji za popunu upražnjenog radnog mjesta upućen dana 19.12.2023. godine.
5.	U skladu s odredbama Zakona o budžetima u FBiH, potrebno je imenovati odbor za likvidnost i sačinjavati planove novčanih tokova u cilju uspostavljanja realne osnove za izvršavanje Budžeta Kantona.	x				Ministarstvo finansija Zeničko-dobojskog kantona je Rješenjem broj: 07-14-2580/23 od 15.02.2023. godine i broj: 07-11-21099/24 od 19.12.2024. godine imenovalo Odbor za likvidnost budžeta Zeničko-dobojskog kantona, koji je sačinjavao planove novčanih tokova u proteklom periodu Prilog: kvartalni planovi novčanih tokova za 2023. i 2024. godinu.
6.	Obračun i uplatu poreza i doprinosa na naknade zaposlenicima za rad u komisijama vršiti u skladu s važećim zakonskim i drugim propisima.	x				Obračun i uplata poreza i doprinosa na naknade zaposlenicima za rad u komisijama vrši se u skladu sa važećim zakonskim i drugim propisima i mišljenjima Federalnog ministarstva finansija. Prilog: Mišljenja iz 2020. i 2021. godine.

Molimo Vas da na upitnik tačno odgovorite, jer odgovarate za tačnost navedenih podataka.

Pojašnjenja:

Neprovodivo-ukoliko preporuku nije moguće provesti (npr. iz razloga što nije bilo aktivnosti, odnosno transakcija po osnovu koje je data preporuka/došlo je do promjene u regulativi).

4

MFR-PPP-3.

Zenica, 09.07.2025. godine



Odgovorno lice

(Dženana Čišija, ministrica)